

Hwngzyen Gawjbanh Vamaedlaeh Vwnzvacez

横县举办茉莉花文化节

8 nyied 23 hauh, Vamaedlaeh Vwnzvacez youq gih raeuz Hwngzyen gawjhengz. Cimz caz vamaedlaeh, youz suen vamaedlaeh Cunghvaz, ngonv vamaedlaeh vwnzyi yienjok daengj, yinx daihbuek canghbuenqcaz, hekyouz ndaw guek rog, guek daeuj gizneix ra guh seng, eiq buenq cazva, gamjsouh vamaedlaeh vwnzva meiliz.

Hwngzyen geij bi gvaqdaeuj ndaem miz vamaedlaeh 10 fanh moux, bi sou ndaej vamaedlaeh 8 fanh dun, gai bae souhaeuj 8 ik maenz ngaenz; moix bi vamaedlaeh canjlieng caeuq cazva canjlieng ciemq daengx guek cungjlieng 80% doxhwnj, ciemq daengx seiqgyaiq cungjcanjlieng 60%.

(Yi Sienghceuz/喻湘泉)



▲ Vunzhek cimz caz vamaedlaeh.



◀ Mehmbwk Bouxcuengh vih vunzhek eu fwen coux hek.

▲ Vunzhek canhgvanh vamaedlaeh gunghyibinj canj.

Mbanj Hungzginh Bwzguz Youh Nauhyied Lo

百谷红军村又热闹起来

Bineix dwg Dwng Siujbingz doekseng 110 hopbi caeuq Baksæk Gijyi 85 hopbi, duenhneix gvaqdaeuj, Denzdungh Yen Bingzmaj Cin Mbanj Hungzginh youh nauhyied hwnjdaeuj lo, ngoenznaengz cungj miz donzdui caeuq goyinz bae daengz gizde canhgvanh nem ciepsouh gwzming gyauyuz. Canhgvanh Mbanj Hungzginh Bwzguz hix dwg cungj fuengsik geiqniemh Dwng Siujbingz doekseng 110 hopbi caeuq geiqniemh Baksæk Gijyi 85 hopbi he, Bwzguz yinzminz doengzcaez dungyenz camgya gwzming, haenqrengz guh vujcangh doucwng, Dwng Siujbingz, Cangh Yinzyiz, Leiz Gingham, Veiz Bazginz daengj gaenq bae daengz gizde cijdauj gwzming, senhconz gwzming lijlnun gvaq. Dangseiz daengx mbanj miz 86 ranz vunz, cawz ranz ndeu dwg dicuj le, gizyawz 85 ranz gungh 131 vunz camgya cizveidui caeuq hungzginh, ndawde miz 69 vunz hwnj baihaek bae daengz Gyanghsih, gonqlaeng miz 16 boux saumbauq maenhndei vih gwzming saehnieb bae vutmingh.

(Vangz Gozsun/黄国顺)



▲ Gyanggaijyenz yiengq vunzhek ganggej.



▲ Hagseng daiyaujdonz rogsengj daenj buh Hungzginh daengz Mbanj Hungzginh Bwzguz canhgvanh ciepsouh gwzming conzdungj gyauyuz.



▲ Hekyouz yawj gwzming lizsij dozveh gwnz ciengz.

Ginhsiu Yauzcuz Swciyen Gawjbanh Gaiq Daihngaih Yauzcuz Dingj Gyong Doxdax

金秀瑶族自治县举办第二届瑶族顶鼓比赛



▲ Dingj gyong.

8 nyied 20 hauh lajbyonghngoenz, Ginhsiu Yauzcuz Swciyen Gaiq Daihngaih Yauzcuz Dingj Gyong Doxdax youq gyongnaezhenj swncienz gihdi gawjhengz, foux gyongnaezhenj dwg aen hozdung gyoengq Yauzcuz yinzminz vih siengniemh, caeqbaiq cojcoeng Buenzvuengz ndeu. Moix bi haeux ndaej fungsou roxnaeuz ngoenzciet, Yauzcuz yinzminz couh doxcomz hwnjdaeuj roq gyongraez, eu fwen, guh dingj gyong doxdax, yungh cungj fuengsik neix daeuj caeqbaiq cojcoeng Buenzvuengz, hawj de baujyouh bi daihngaih haeux ndaej fungsou, yinzminz vuenyungz doxhuz. Dangqnaj, foux gyongnaezhenj gaenq deng lied haeuj swcigih feihvuzciz vwnzva yizcanj baujhoh mingzloeg ndawde bae, foux gyongnaezhenj Yauzcuz youq bi 2006 ndwen 10 caeuq bi 2007 ndwen 11 faenbied youq camgya Gvangsij Daih Cib'it Gaiq Saujsu Minzcuz Conzdungj Dijyuz Yindung' vei caeuq Cunghvaz Yinzminz Gunghozgoz Gaiq Daihbet Saujsu Minzcuz Conzdungj Dijyuz Yindung' vei gwnzde aeundaej gimciengj.

(Banz Linzfung/盘林锋)

Lungzlinz "Nanzbanzgyangh Beih" Youq Rogdoengh Epbya Doxdax Hoengh

隆林“南盘江杯”野钓大赛隆重开幕

8 nyied 25 hauh, youz Lungzlinz Gak Cuz Swciyen dangjvej, cwngfuj cawjbanh aen hozdung Cungguk Guengsae Lungzlinz "Nanzbanzgyangh Beih" rogdoengh epbya doxdax youq Bingzbanh Gugih hoengghwd gawjhengz, yinx gyoengqvunz Baekging, Gyanghsuh, Huznanz, Swconh, Sanhsih, Gvangsij, Daizvanh daengj dieg 118 aen doih 300 lai boux haengj epbya daeuj camgya doxdax, gamjsouh gij vaiqvued epbya.

(Linz Binh Moz Caijvah Yangz Dwngghlieng/林斌 莫彩花 杨登良)



▲ Epbya doxdax yienhciengz.